

重編醫經小學卷之四下目錄

脉訣下

類證脉法

傷寒脉

怪脉

從橫逆順災怪脉

關格覆溢

真藏脉

死藏脉

真藏死期

診四時五邪

診四時病五行相尅

診脉動止投數踈數死期

熱病損至脉死日 形脉逆從

五藏色脉

陰陽相搏

診三部脉虛實決死生

扁鵲診諸反逆死脉要訣

雜病生死脉

小兒三脉五脉說

小兒脉總歌

二首

訣脉逆順

脾胃有脉

重編醫經小學卷之四下

脉訣下

類證脉法

中風脉浮或緩而遲 或微而數滑兼痰治

或浮或沈而虛弱微 風未可踈降痰扶危

浮而緊者皮膚疼痛 浮而大者鼻塞頭重

皮膚不仁脉浮而緩 癱瘓風者滑而浮散

脾脉緩者是為風痿 上下強直為風瘓治

跌陽之脉其脉而滑滑較氣實浮汗自出
陽浮陰弱謂之風傷浮而緩者風在大陽
傷寒有五脉非一端陰陽俱甚緊瀋者寒
陽浮而滑陰濡而弱此名中風勿用寒藥
陽浮而弱陰小而急此非風寒乃濕溫脉
陰陽俱浮病熱之極浮之而滑沉之散瀋
惟有溫病脉散諸經各隨所在不可指名
浮緊無汗謂之傷寒太陽脉浮變則不然

陽明則長少陽則弦大陰沈細沈遲亦兼
少陰微緩厥陰沈瀋厥陰熱深脉伏厥逆
陰陽俱盛而脉緊瀋重感於寒變為溫瘧
陽浮而滑陰濡而弱更遇於風變風濕疾
陰脉實大陽脉洪數更遇溫熱變為溫毒
陰脉弦緊陽脉濡弱更遇溫氣變為瘟疫
大陽之病疼痛身熱微弱弦乾名曰中暈
若發汗已身熱灼然陰陽俱浮名曰風濕

沈細而疾身涼不渴煩躁狂悶名曰陽厥
沈遲痼冷寒在裏藏實緊胃寒陰不勝陽
盛大以濇外有寒證浮滑疾緊是百合病
暑傷於氣所以脉虛弦細乾遲體狀無餘
虛而微弱浮大而散或隱不見或浮自汗
脉沈重者傷暑發熱沈而急痛虛熱暴發
中濕之脉或沈或緩或濇或細或微或濡
表濕浮緩裏濕沈緩弦緩浮緩風濕相搏

遲虛而濇是則寒濕滑疾發黃是則濕熱
脉洪而緩濕熱自重洪而動者濕熱而痛
燥證之脉乾而虛數或浮而弦或緊而濇
虛火數浮實火沈大隨其所見細數為害
斑疹之脉沈伏散細陽浮而數陰實而大
內傷勞役豁大不禁若損胃氣隱而難尋
內傷飲食滑疾浮沈內傷勞食數大濇浸
右關緩緊寒濕相尋右關數緩濕熱無臨

右關前脉急大而數時一代澁大虛之脉
脾脉大數微縷時代數中顯緩為時一大
右寸氣口大倍人迎二倍少陰三倍太陰
脉沈而滑或緊而滑浮大而濇浮滑速疾
或盛而緊左右無常緩大而實皆是食傷
尺中伏者水穀不磨短疾而滑病酒而酤
寸口浮大按之反澁尺亦微澁為有宿食
滑而數者宿食不化滑而不勻必是吐瀉

脉沈而實病苦傷寒宿食留飲宜下之安
兩尺不見或短小者食塞胃中當吐之可
氣之脉沈浮絕亦氣沈極則伏濇弱難治
其或沈滑氣蒸痰飲沈弦細動皆氣痛證
細而緩弱氣血俱虛大而堅實血氣俱餘
辟大而滑或細或洪或沈或微短氣在中
浮短肺傷榮衛不行諸氣微少加嗽則亡
憂則脉濇怒則脉促喜散悲短恐沈思結

驚則脉動寒則堅牢暑則浮虛大則氣勞
強誦耗氣脉濡而弱叫呼走氣脉散而急
血失之證皆見芤脉隨其上下以驗所出
極虛芤遲亡血失精尺脉滑疾血虛之證
諸澁濡弱為之亡血來如懸鉤為之血衄
陰陽錯浮微芤洪弱或肝脉大皆必衄血
面無血色又無寒熱脉沈弦者是乃衄血
脉浮而弱絕者下血若煩欬者必是吐血

細弦而澁虛者血脫身熱小絕為吐下血
太陽大浮必衄吐血陽毒傷寒其脉洪數
寸脉微弱尺澁發熱厥而微嘔土實而衄
尺中身浮輕輕在肌目睛暈黃衄必未止
脉細而數數反在上當吐不吐面顴小絳
眼青白膚有細赤脉起黑瞳子其人當衄
沈重而真或緊而絳藏傷腸痛瘀在腹間
男子盛本脉陰陽微必陰浮大跌陽亦微

便血失精亦便不利 跌陽脉弦下血腸痔
痰飲之飲弦微滑沈 稿弦痰飲雙弦寒飲
留飲脉沈歷節走痛 沈而弦緊懸飲內痛
弦數寒飲冬夏難治 肺飲不弦苦喘短氣
滑而浮沈大小不定 或結伏大皆是痰飲
浮弦大實稠痰在膈 關前滑者宜用吐藥
久得滿脉痰飲膠固 卒難得開必費調理
鬱證之脉多是沈伏 或必止節見代結促

若氣鬱則必沈而濇 血鬱之脉芤而結促
濕則沈緩熱則沈數 食滑緊盛痰則弦滑
汗脉大虛浮軟弱濇 自汗在寸盜汗在尺
虛損之脉寸微尺緊 軟緩微弱皆是虛診
大而無力陽衰易扶 數而無力陰火難除
寸弱上損浮大裏枯 尺寸俱微五勞之軀
左濡血羸右怯氣虛 左右微小血氣同推
諸短為虛諸大為虛 尺寸微厥血氣無餘

弦為中虛大芤脫血沈小遲者脫氣之脉
微濡相搏是為五勞微弱相搏虛損七傷
勞極之脉浮虛緩大盜汗出者虛弱微細
微弱而澁無子精冷極虛芤遲消穀失精
弦數而實疲極筋力尺脉浮散房勞精失
脉虛沈弦裏急短氣芤動微緊鬼交夢遺
骨蒸勞熱脉數而虛熱而濇小必殞其軀
瘧脉自弦弦數多熱弦遲多寒弦微虛多

弦緊發汗浮大可吐弦而小緊當下之愈
霍亂之脉沈伏代絕弦者為飲洪者為熱
或代而散或隱而伏或大而虛或微而澁
右關滑者吐瀉霍亂結代者勿以死斷
氣口弦滑膈間飲食神門浮虛轉筋之疾
泄脉沈滑大小不勻沈數聲亮熱瀉之人
沈遲寒侵沈虛滑脫關上伏者水氣澹泄
夏月暑濕脉多緩弱洪而數澁脉必虛極

下痢脉滑按之虛絕數遲而滑宿食為實
沈弦下重寸反浮數尺中白澁下青膿血
沈滑沈細皆下重痢緊為未解大為未止
微弱數者為欲自止汗出脉弱雖熱不死
脉數浮渴當今自愈不差膿血以有熱故
遲緊為痛當溫勿止浮大者虛以強下故
積聚之脉小而沈實駢緊浮牢弦長結伏
脉來細軟附骨者積各以其部知其所結

脉橫者癥橫實而滑寸沈而橫橫積在膈
弦緊細微沈弦急疾皆是疝瘕癥瘕瘕癖
脉沈而緊時痛有積細微而絕有癖不食
遲滑寒癥遲澁癥瘕寸細沈滑積在脇下
關上脉大尺寸細者心腹冷積寸結癥瘕
關脉弦長臍邊在積弦小弦大皆為寒癖
脉沈而細或時直長身有癰腫腹有伏梁
伏梁沈芤肥氣弦細瘕氣之脉長而浮太

息貴浮毛按之辟易沈急沈厥奔耗之積
六聚結沈痼則浮結沈重中散食成痰癖
左轉沈重氣癥胸前若是肉癥右轉橫旋
水腫之脉多是沈伏陰水沈遲陽水沈數
石水裏水其脉沈絕風水皮水見於浮脉
脉浮而洪此為風水沈滑弦緊皆為腫氣
少陰緊沈小便即難寸浮而遲熱潛相搏
跌陽浮數浮熱數止沈伏相搏皮膚為水

跌陽脉伏今則反數或緊而浮皆水腫脉
目裏微腫如卧蚕起頸脉動喘疾咳曰水
脹脉盛緊大堅以瀦虛而緊瀦或遲而滑
或弦而遲或浮而數關上虛者內脹之脉
脹滿脉弦脾制於肝洪數熱脹遲弱陰寒
浮為虛滿緊則中實浮則可治虛則危急
胸痞滑大為有痰結弦伏中虛微瀦衰劣
痞脉浮堅下之入裏脉沈而短藏有寒痞

上微下澁厥而且寒陽微勿下必下痞堅
脉弦而遲必心下堅大而緊者腸鳴堅滿
五疸實熱脉必洪數其或微瀉證屬虛弱
沈細畜熱浮緊暴熱浮沈弦緊水熱交接
溺黃赤而安卧黃疸已食如飢謂之胃疸
咳嗽關微微急唾血沈為留飲弦為水脉
浮緩傷風緊者肺寒數熱細濕房勞瀉難
右關微濡飲食傷脾左關弦短肝極勞疲

浮短肺傷法當欬嗽五藏之嗽各視本部
浮緊虛寒沈數實熱洪滑多痰弦瀉少血
咳而脉虛皆胃者何支飲在胸治屬飲家
喘急洪緊盛出魚際氣逆喘息伏有逆氣
沈而實滑身温易愈身冷脉浮尺瀉難補
嘔吐滑數細滑同診大小不勻必吐病進
吐家脉形如新卧起小弱而瀉是則反胃
弦者虛也胃氣不足朝食暮吐暮食朝吐

嘔而脉弱小便復利身有微熱厥者難治
陽緊陰數食已則吐陽浮而數其人亦吐
微數血虛單浮胃薄芤則有痰最忌濡弱
寸緊而芤虛寒相搏陰結而遲人則噎患
關弦而緊虛寒相搏此名曰格是謂胃反
關數為吐浮大有風微浮緊滑嘔吐蛇蟲
寸緊尺濡胸滿吐食緊芤或弦虛寒之厄
關沈有痰浮濡脾積弱大氣虛濡小血弱

善濡而沈七情所搏跌陽脉浮胃氣虛弱
跌陽微澁澁則為吐或浮而澁緊澁難治
弦滑洪緊痰飲脉見時吐酸水欲成胃反
右關弦急木乘土位欲作胃反甚者難治
吞酸之脉遲濡弦滑右關沈虛其人善噎
眩運之脉左數多熱澁芤死血右實痰積
脉虛大者必是久患風者人迎浮大而緩
風浮寒緊濕細暑虛涎弦而滑虛脉則無

頭痛陽弦浮風緊寒風熱洪數濡細而堅
氣虛頭痛雖弦帶濇瘵厥則滑腎厥堅實
寸脉緊急或浮而滑寸短尺短皆頭痛脉
肩背痛者洪大上擊脊脊痛者脉沈而滑
心痛脉濡或短而數心痺微大心脉微急
寸沈而遲關小緊數陽微陰弦胃痺痛脉
腹痛關脉緊小急速浮滑弦急遲緩細實
或動而弦甚則沈伏弦食滑痰尺緊臍腹

諸蟲腹痛弦弱而沈今反洪大知蛔蟲甚
緊滑蛔動吐逆宿食虛大者死沈實者活
脇痛之脉弦而鈎急肝脉堅長或滑或澁
緊細弦者多怒氣偏沈濇而急瘵瘵之愆
腰痛之脉皆沈而弦沈為氣滯浮風緊寒
濡細則濕實則閃胸大者腎虛濇者瘵血
伏者是痰緩者濕也尺兼常熱瘵在腰膝
病脉弦急積聚在裡牢急者生弱急者死

沈遲浮瀋疝瘕寒痛 痛甚則伏或細或動
脉大急沈或滑或搏 見其何部知何藏疝
心滑肺沈風疝浮蕩 關浮而遲風虛之恙
或滑或浮孤疝風疝 三陽急瘕三陰急疝
腎脉小急肝脉小急 心脉不鼓皆為瘕疾
脚氣之脉緩輕沈次 沈緊難治洪數易治
順四時生違者難活 微滑者虛牢堅者實
浮弦為風濡弱為濕 遲瀋因寒洪數熱鬱

散則因憂結則因氣 細則因悲緊則因怒
入心恍惚左寸之脉 乍大乍小乍無者率
入腎呻吟小便不利 面黑而喘尺絕者死
痺浮瀋緊三脉雜合 搏脉痺變寒熱交發
大澁或急亦為痺脉 濕痺沈細痛痺弦數
痛風沈弦肝腎被濕 少陰弱浮風血掣急
盛人瀋小節痛短氣 飲酒汗出當風所致
肺痿寸數虛瀋浮弱 陽脉早索陰脉不澁

尺脉虛弱緩瀋而緊病為足痛或是痿病
麻木浮濡瀋乳死血浮緊屬寒浮緩屬濕
瘥脉伏堅發熱細沈築築弦緊直上下行
大陽身強几几沈遲發其汗已泠泠如蛇
暴腹脹大是為欲解腹反如故伏弦者死
卒厥寸口沈大而滑滑則為氣沈則為實
唇青身冷入藏即死身温汗出入腑自愈
脉至如數暴驚自瘥脉至如喘氣厥不言

細寒數熱浮實痰頑氣弱微甚大則血慳
陽厥之脉滑數沈實陰厥之脉細微沈伏
陽厥狂悶沈細而疾浮而散者胸仆之脉
瀋則無血厥寒為甚尺微無陰下痢逆冷
少陰不至精奔氣促陰動不仁此為尸厥
顛狂牢盛實堅急疾浮洪大長沈數痰熱
數熱滑痰陽浮陰沈浮病腑沈病臟深
陰附陽狂陽附陰癩肝脉小急癩筋羸

心脉滿大癩癩筋攣 二陽急驚 二陰急癩
心脉微澁脾脉疾緊 小弦虛弦驚癩之患
邪崇之脉或促或結 大小長短踈數不一
洪大嫋嫋是為社崇 沈沈澤澤是為土崇
寸尺有脉無關鬼病 脉緊急者遁尸之證
驚悸怔忡脉必代結 飲食之悸沈伏動滑
寸動而弱為驚為悸 寸緊胃浮悸病仍起
肝脉動暴有所驚駭 驚生病者止而復至

浮微弦濡憂驚過却 健忘神虧 心虛浮薄
消二陽結 趺陽浮數 緊數相搏 中散而絕
虛勞之消寸口浮遲 軟散血虛 洪大陰虧
遺精白濁當驗於尺 乾動微緊數散瀦弱
心脉短小 心虛所致 洪數而促 便濁白帶
遺尿之脉過寸入魚 肝脉微滑尺實或虛
小便不禁脉反浮大 色反黃者為逆不治
淋癰浮緊為肺有水 緊而滑直小便不利

脈浮而孔
胃生熱消
陽則他訣
使則教小
使則教大
脾為約

濡緩浮弱小便難行小陰脈數氣淋陰瘡
鼻頭色黃小便必難脈浮弦濇為不小便
便血則花數則赤黃實脈癢閉熱在膀胱
秘結之脈沈伏而結老人虛人雀啄者率
陽結之脈沈實而數陰結之脈伏遲而結
目病洪數心火上綱寸關弦洪肝木狹火
耳病寸脈浮洪而溢久聾腎虛遲濡其質
暴病浮洪兩尺相同尺微大數陰虛火衝

浮大為風洪動火賊沈濇氣凝數實熱塞
鼻病浮緩傷風鼻塞浮洪而數鼻齏鼻衄
口病重舌寸洪浮數若見脈虛中氣不足
喉痺寸脈浮洪而溢實者易治微伏難活
齒痛腎虛尺濡虛大火炎尺洪踈搖豁壞
右寸關數或洪而弦此屬腸胃風熱多涎
診齒齏痛按陽明脈未有過者為有獨熱
在右右熱在左左熱在上上熱在下下熱

傷損肝脉搏堅而長細而滑虛為之仆僵
寸口之脉浮微而澁刀斧所傷然當亡血
破傷風脉沈者裏疾大陽表脉浮而無力
長而有力為之陽明浮而弦小少陽之經
癘風寸脉浮而洪緊寸口沈弱必墮髮鬢
脉浮而大癘疹痒疥名曰泄風久之為癘
陽脉浮弦陰脉實大浮緩易治沈實難瘥
溢者病上浮者病下洪大而數皆不為可

癰疽脉數浮陽沈陰浮數不熱但惡寒侵
洪數病進將有膿滲滑實緊促內消可禁
宜托裏者脉虛濡遲或乾濇微潰後亦宜
長緩易治短散則危結促代見必死無疑
脉數發熱而疼者陽不數不熱不疼陰瘡
紫癰之脉弦洪相搏細沈而直肺肝俱數
寸數而實肺癰已成跌陽浮緩胃氣如經
肺癰色白脉宜短濇死者浮大不白而赤

傷癰難知滑數可推數而不熱腸癰何疑
遲緊未膿下以平之洪數膿成不下為宜
胃脘生癰脉當沈細結喉旁畔人迎盛大
婦人之脉常欲弱濡微弱而澁此為絕產
女不好生亦尺脉潛若見微濡入房無力
右尺偏旺火動好色左尺偏旺陰虛非福
惟沈滑勻易為生息微瀉精清兼遲冷極
衛浮而大榮反而弱浮大氣強反弱少血
寸沈而微為疹亡血寸沈而遲跌陽脉伏
少陽脉卑少陰脉細經血不通水分易已
寸沈而數跌陽微弦少陰沈滑血分難痊
少陰浮緊腹痛癢病半產墮傷亡血絕產
肥人脉細寒在胞中其色黃者寒在心胸
經閉不利尺脉則滑尺瀋浮牢氣虛血實
肝脉沈虛尺脉絕止小腹腰痛月水不利
經病前後脉軟如常寸關雖調尺絕痛腸

沈緩下弱來多要防微虛不利間月何妨
浮沈一止或微遲瀯居經三月氣血不剛
三月以上經閉難當寸洪數虛火動癆傷
心脾病發寸浮關伏心事不足左寸沈結
陰中生瘡少陰滑數陰中惡寒少陰微弱
寸浮而弱潮煩自汗跌陽浮瀯吞酸腹滿
浮則腸鳴緊則腹痛數則陰瘡弦則陰痛
漏下尺脉弦大而緊風邪入內在少陰經

漏血之脉尺寸俱虛若脉浮者不可治諸
脉微而緩衛疎榮盈三焦絕經名曰血崩
洪數而疾為崩漏脉少陰弦者白臍挺核
寸濡而緊此為帶下少陰浮動此為脫下
寸口微遲尺脉微弦暴崩下血痛引腰邊
脉得浮緊當痛身軀設不痛者法當陰吹
陰搏陽別謂之有子脉平而虛乳子法矣
少陰動甚尺按不絕動入產門或脉和滑

三部浮沈正等無絕。及旺而數此為妊脉。
肺微不浮。心洪大滑。肝脉微橫按而不絕。
或寸脉微關滑尺數。往來流利如雀之啄。
或兩手關洪大相應。如此之脉亦為有孕。
關上一跳一止一月。二跳一止二月之脉。
妊娠初時寸微小者。至於三月尺脉數也。
左疾為男。右疾女子。俱疾二子。至四月試
尺脉偏大。左男右女。左右俱大二子同處。

大陰脉男太陽脉女。諸陽為男。諸陰為女。
沈實在左。浮大在右。右女左男。可以預剖。
左右沈實二男。猥生。左右浮大二女。懷妊。
左右尺浮二男。生產。左右尺沈二女。生誕。
左男右女。外候之時。乳核回首。皆當試之。
更審經脉。陰陽可詳。渴且脉遲。其胎必傷。
滑疾按散。三月胎脉。不散不滑。疾者五月。
大急大緩。腫漏為殃。八月弦實沈細。非良。

少陰微緊兩胎一傷勞力驚仆胎血難藏
冲心悶痛色青必亡足月脉亂反是吉祥
尺沈細滑全得離經陳痛連腰乃知誕生
半產漏下革脉主之弱即血耗立見傾危
產後鬱胃其脉微弱惡露不盡跌陽微實
小兒初生一息十至一歲九至二歲八至
三四七至五六六至六歲已上常脉五至
若加一至曰傷病熱二至加因三至加死

不及常脉乃損之脉是因病久血氣虛弱

脉多雀鬪要主三部浮表沈裏知病所在

大小滑濇虛實遲駛各依脉形以審證治

遲則為寒大數為熱浮為虛嵐沈痛實積

緊弦風寒沈弦食積脉小沈緩不消乳食

弦兩數者此因乳熱綿衣過多五歲壅塞

牢而實者大腸秘澁微浮咳嗽澁微痢血

沈遲滑冷沈數骨熱沈細伏結寒冷聚物

浮而數者驚悸乳癩 虛而軟者瘰癧慢驚
軟細蟲疳腸痛勞風 脉洪喘嘔此為有蟲
虛微促急虛驚之病 浮緊實弦風癰之證
弦緊急數氣急客忤 氣纏不和肚腹痛者
大小長短不等為祟 脉亂為吐為惡為死
變蒸之時身熱脉亂 汗出吐衄不治無難
要知婦孺貴識形證 脉難盡憑問始詳審
老喜尺旺常細濡瀋 滑大氣痰風熱緊逼

望聞問切裨聖工巧 愚者昧昧明者了了
難盡者意難窮者理 得之於心應之於指
勉旃小子日誦琅琅 造道之玄登臨可忘

傷寒脉大則 尋大下小為候甚

夫浮數動滑陽脉 陰病見陽生可得
沈瀋弦微弱屬陰 陽病見陰終死厄
陰陽交互最難明 輕重斟量當別白
浮脉察表之實虛 尺寸俱浮太陽表

浮而緊濇是傷寒

浮而數者熱不小

浮而緩者是傷風

浮大有力熱易曉

浮而長大合陽明

浮而弦太少陽了

中切陽明少陽經

尺寸俱長陽明病

浮長有力兼太陽

長大有力為熱甚

長數有力熱可平

長滑實大宜通利

尺寸俱弦和少陽

浮弦兼表汗乃定

弦遲弦小弦微虛

弦大弦長滑熱盛

沉脉察裏虛與實

尺寸沉細屬太陰

微緩少陰沉濇厥

沉遲無力陰氣深

沉疾有力為熱實

養陰退陽邪不侵

脉沉而遲不能食

體重便鞭名陰結

浮數能食不大便

名曰陽結此為實

陰脉不足陽往從

陽陷入陰則發熱

陽脉不足陰往乘

陰上入陽寒洒淅

榮衛太盛名高章

高章相搏名曰綱

榮衛微時名慄卑

慄卑相搏損名彰

榮衛既和名緩遲

緩遲名沈此最良

瞥瞥有如蠶上肥

此脉定知陽氣微

縈縈來似蛛絲細

却是體中陽氣衰

綿綿如瀉漆之絕

疾人亡血更何疑

陽結藹藹如車蓋

陰結循竿亦象之

陽盛則促來一止

陰盛則結緩而遲

縱橫逆順宜審察

殘賊災怪要須知

脉靜人病內虛故

人安脉病曰行尸

脉浮而緊按反芤

戰而汗出因得解

脉浮而數按不芤

此人不虛汗出差

大而浮數知不戰

其脉反微必自愈

傷寒三日浮數微

身涼和者夜半已

立夏洪大是本位

人身體苦疼重時

發其汗則明日解

四時順脉宜做之

跌陽之脉浮而濇

其病在脾當下利

若是少陰不弦浮

反滑數知當膿屎

跌陽浮數傷脾胃

是非本病下所為

其數改微心中飢

數脉不時惡瘡起

脉微而濇汗下誤

陰脉遲濇亡血故

脉浮而大心下鞭

裏熱屬臟表熱腑

寸口浮大醫反下

寒氣相搏腸鳴逆

反飲冷水汗大出

水寒相搏人即餒

跌陽浮虛令氣餒

滑則為噎胃氣竭

責虛取實為醫咎

守空迫血鼻燥衄

脉浮而遲面熱赤

當汗出解必戰惕

反發熱者汗遲遲

無陽不汗痒必發

跌陽微緊短氣寒

少陰弱濇為厥逆

跌陽不出身冷鞭

少陰不至此尸厥

陽脉緊則霧露氣

陰脉緊則寒邪存

清邪中上名曰潔

濁邪中下名曰渾

陽中於邪必發熱

陰中於邪必內慄

熱氣所過為癰膿

客氣內入噎咽塞

寒厥相逐為熱擁

血凝自下如豚肝

陰陽厥脾弱注下

臍築愀痛命難全

陰陽俱緊口氣出

口燥足冷舌滑胎

到七日微熱而解

八日大熱為難治

陰陽緊吐利不食

脈不解至六七日

若脈遲者為晚發

求食為解此水畜

病六七日脈至大

煩躁口噤必欲解

脈和大煩而目重

臉內際黃此欲差

脈浮而數風虛搏

發熱惡寒洒淅然

浮滑數疾又發熱

汗出不解為難痊

發熱體疼人自卧

脈沈而遲知其解

腹內卒痛人自坐

脈浮而大知其差

伏氣之病以意候

今日內欲有伏氣

譬脈微弱腹中痛

雖爾今復欲下利

右手氣口當主氣

主血人迎左其位

氣口緊盛食必傷

人迎緊盛風邪熾

數為在腑遲為臟

浮為在表沈在裏

浮緊兼瀋寒傷榮

脉浮而緩風傷衛

脉微大忌令人吐

欲下猶防虛且細

沈微氣弱汗為難

三者要須常審記

陽加於陰有汗證

左手沈微却應未

跌陽胃脉定死生

大谿腎脉為根蒂

脉來六至為七至

邪氣漸深須用意

浮大晝加並屬陽

沈細夜加分陰位

九至以上來短促

狀若涌泉無入氣

更加懸絕漸無根

命絕天真當死矣

諸陰遲瀋為乘蔽

諸陽浮數為乘府

又有六氣至令脉

和甚從反交變易

三陰脉應與不應

考歲南北詳順逆

病人三部脉調勻

大小浮沈遲速類

此是陰陽氣已和

勿藥自然應可喜

怪脉

萬機四脉既包含 生死何嘗另有玄
浮散沈無遲一點 數來無數病難痊
雀啄連來三五啄 屋漏指下一點落
彈石硬來尋即散 搭指散亂真解索
魚翔似有又似無 魚不行頭靜尾躍
釜沸湯湧在皮上 蝦遊進退杳難極
偃刀小急如循刃 戚促散亂是麻促

轉豆如豆之展轉

恠脉一見休餌藥

從橫逆順災怪脉

夫行乘妻名曰從 妻行乘夫名橫脉
母行乘子名曰順 子行乘母名曰逆
弦緊浮滑沈瀦脉 此六者名曰殘賊
始與藥時脉證對 臨服變異災恠作

關格覆溢

關前陽動脉當浮

過曰太過減不及

遂上魚際名為溢 外關內格陰乘脉
關後陰動脉當沈 過曰太過減不及
入尺中者名為覆 內關外格陽乘脉
寸口之脉浮而實 浮者為虛大為實
在尺為關在寸格 關不小便格吐逆
跌陽之脉伏而瀋 伏則吐逆不化穀
瀋則且食不得入 如此者名曰關格

真藏脉

真肝之脉中外急 如循刀刃狀責責
如按琴絃色青白 膚不澤而毛乃折
真心堅搏累累然 如循薏苡色赤黑
真肺脉至大而虛 如毛羽中色赤白
真腎搏絕如彈石 狀辟辟然黑黃色
真脾至弱乍數踈 黃青不澤毛亦折

死藏脉

浮之弱按中如索 曲如蛇行死肝脉

心死浮實如豆麻 擊手按之益躁疾
脾死浮之脉大緩 若按之中如杯覆
絮絮之狀如搖者 或槩槩狀如炙肉
肺死浮虛按之弱 如葱葉下無根力
腎死浮堅按之亂 如轉丸益下入尺

真藏死期

真藏脉至懸絕急 肝十八日心四日
十二日肺七日腎 脾至四日知命絕

診四時五邪

春得冬脉只是虛 急宜補腎忌泄疎

若得夏脉緣心實 還應瀉子自無虞

所勝為微不勝賊 在前為實後為虛

春中若得四季脉 不治多應病自除

正邪自病通成五 四時五臟倣斯圖

診四時病五行相尅 土與木腹合

一般鬼賊脉堪推 客勝主脫死尤便

春得秋脉肺尅肝 死在庚辛申酉裏

夏得冬脉亦如然 還於壬癸為期介

嚴冬診得四季脉 戊己辰戌還是厄

秋得夏脉亦同前 為緣丙丁相刑尅

季日季夏得春脉 見在甲寅應病脉

直逢乙卯亦非良 此是五行相鬼賊

診脉動止投數踈數死期

一動一止命晬時 二動一止二日期

乃至九動生九日 次四立節又考之

十一十二並三四 十五一止立冬司

二十一止即二歲 三十一止三歲推

四十投而不止者 四歲之後死可知

五十投而不止者 五歲受氣有何危

脉一來而久住者 宿病在心主中治

二來久住肝枝病 三來久住病在脾

四來而住腎間疾 五來住病在肺支

五脉病虛羸人死 盛人氣全治即宜

熱病損至脉死日

熱病四至期三日 五至一日身乃沒

時一大至半日人 忽忽悶亂為命絕

六至之脉半日限 忽忽疾大死頃刻

五損一日四損三 六損若絕乃立滅

形脉逆從

形氣相得謂可治 色澤以浮謂易已

脉從四時謂可治 脉弱以滑有胃氣

形氣相失謂難治 色夭不澤謂難已

脉實以堅謂益甚 脉逆四時為不治

其懸絕沈瀋之脉 至者命曰逆四時

謂逆四時得相尅 必察四難明告之

春夏而脉沈瀋瘦 秋冬而脉浮大肥

風熱脉靜泄脉大 脉瀋堅者皆難治

健人脉病號行尸 病人脉健是非危

短長肥瘦詳審此 脉病相違亦若斯
肥人沈結瘦長浮 短促長踈盡莫違
色脉相生病自己 色脉相勝不須醫

五臟色脉

心病舌強笑面赤 燥煩掌熱口乾譫
臍上動氣洪緊數 反沈濡微命不全
肝家面青目痛閉 筋急怒容臍左氣
脉當弦急又兼長 若浮濇短名不治

脾泄不食面痿黃 體重肢疼喜卧床
動氣當臍脉沈緩 弦長緊大是凶殃
肺家面白帶憂愁 吐衄寒溫喘嗽求
臍右氣兮沈細濇 洪大而牢死根由
腎家面黑爪甲青 耳閉足寒泄腹疼
臍下氣兮沈濡滑 緩而大者死之形

陰陽相搏

三陰俱搏二十日 夜半之時即命傾

二陰俱搏十三日夕時須知命難停
一陰俱搏十日內死在平旦是寅辰
三陽俱搏且又鼓三日之間殞其身
二陽俱搏氣濫死不過十日見死形
三陰三陽俱搏者心腹脹滿發盡人
不得隱曲五日死陰陽虛腸辟不禁
陽加於陰謂之汗陰虛陽搏謂之崩

診三部脉虛實決死生

凡三部脉廢者死調而和者得生延
實緩實緊並無害實而緊急癩病痊
長病人尤忌虛脉虛而緩虛而弦急
虛而濇兮虛而滑大而數兮微而伏
實而長大如角弓浮而結又浮而滑
累累然如貫珠形長病得之必無活
實滑或乾又弦數卒病者死長病生
細軟細數及微緊長病之人得痊平

澌澌而如囊上肥

連連而如蜘蛛絲

三部脉羸或革者

長病死卒病可治

脉彊非人病便死

羸非其脉則無差

浮數長病風得生

長病得之不能愈

脉濡長病當自愈

長病亦生不用治

脉蠱毒人數軟生

堅數如銀釵必死

脉如霹靂如水流

長病死期三十日

如水不流如水淹

長病自愈勿用藥

如釜湯沸半日死

屋漏雀咳數日死

三部急切腹間病

婉轉腹痛針刺差

渾渾革革如涌泉

病候日進而為危

弊弊綽綽如弦絕

如此脉死不可醫

如得惡脉覆手取

與正取同無元氣

其與正取不同者

陰陽錯縱未必死

扁鵲診諸反逆死脉要訣

夫相死脉之氣者

如群鳥聚馭一馬

如交馳如懸石落 出筋上又藏筋下

堅關裏不在榮衛 伺候交射不可和

如懸薄卷索者死 涌涌不去身乃化

忽去忽來時暫止 脉中侈者分絕者

又如麻子搖屬腎 名曰結去死近也

腹痛脉反浮大長 頭痛目痛反短濇

腹滿喘反滑利沈 目眈眈脉大緩卒

耳聾脉反浮大濇 沈遲細死大者活

肢厥逆浮大短死 尸厥不言脉絕率

左有病而反右痛 下有病而反上功

脉當大而反小者 如此為逆治疼無

脉短氣絕乃為死 病溫虛甚不可治

沈之絕濡浮不止 而推手者半月死

脉來微細而絕者 其人病則不可已

尺不應寸時如馳 或太遲者半日期

人病脉不病者吉 健人脉病號行尸

人身滑而脉來澁 人身澁而脉來滑

肥人脉細小欲絕 羸人脉躁並不活

肝脾俱至穀不化 肝多即死是鬼至

肺肝癰疽四肢重 心肺消渴懈怠痺

腎心至九竅不通 四肢不舉言難利

脾腎至五藏敗壞 勝者多至並即死

肝心俱至則熱甚 癩癧不汗妄見邪

肝腎俱至少腹痛 月使不來病病瘕

腸澼肺脉外鼓沈 肝脉小緩並易已

腎脉小搏沈腸澼 下血温身熱不差

心肝腸澼亦下血 二藏同病者可治

腸澼脉小沈瀦者 其身熱見七日死

胃沈鼓瀦外鼓大 心小緊急膈偏枯

男子發左女發右 不瘡舌轉即可治

其順者瘡三歲起 不滿二十三歲死

脉至搏衄有熱死 脉來懸鉤浮為熱

脉至浮合而如數 一息十至以上者

是為經氣予不足 微見九十日死也

脉至如火薪然是 心精予奪草乾死

脉如散葉肝氣虛 此人木葉落而斃

懸去塞鼓如省客 腎氣虛棗華而滅

脉如泥丸胃精虛 榆莢落時命必絕

如橫格膽氣不足 禾熟時身向冥往

如弦縷者胞精虛 病善言下霜而葬

左右旁至如交漆 微見四十日命竭

浮鼓肌中如涌泉 太陽氣虛韭英毀

如頽土狀肌氣奪 先黑白累發壽極

浮揣益大如懸雍 十二俞虛水凝卒

按堅大急浮小急 如偃刀五藏苑熟

此寒熱獨并於腎 其人不坐立春滅

至如丸滑不直手 大腸虛棗葉生亡

脉如華善恐惡事 小腸氣虛季秋喪

假令仲春脉反沈 師記言到秋當死
若秋續沈至冬死 王相因死理倣此

雜病生死脉

傷寒熱盛浮大生 沈小細慢定歸冥
已得汗後宜沈小 却是浮大命將傾
瘧病體溫洪大吉 其微細者為病劇
三日不汗大疾生 細小難得為死別
厥逆汗出虛緩死 堅彊急者有生理

溫脉盛滑汗且出 汗出尚躁盛者死

熱病身熱脉轉小 得汗轉大又躁擾

喘熱目陷及妄言 欬而便血皆勿療

二三日熱滿頭痛 脉直而疾八日亡

四五日頭痛滿吐 来細彊十二日殃

八九日頭身不疼 面色不變而反利

脉牒牒不彈時大 心下堅十七日死

七八日不喘不數 瘡後三日無汗沒

口燥便澁脉微細 如舌焦乾脉代率

温病汗出輒復熱 脉躁疾不為汗衰

狂言不食陰陽交 得汗喘熱不可治

熱病得汗因得泄 是謂并陰治宜詳

脉尚躁盛大熱汗 或若鼻衄是并陽

脉盛躁疾不得汗 是為陽極難救藥

已得汗後脉躁盛 大熱不去陰氣極

脉浮大絕而短氣 腹中痛大衄不止

腸鳴腹滿脉浮洪 四肢清注泄並死

脉濇小疾或動絕 便血奪形及身熱

腹滿腹脹不得便 欬喘眩悸即死厄

脉弱肢厥不欲入 痢下不止不食死

陽厥實陰厥大生 誤下厥逆脉絕斃

少陰四逆惡寒踈 人不煩躁脉不至

吐利躁逆人息高 利止而眩時胃死

少陰病脉微細沈 汗出不煩自欲吐

數日自利復煩燥

不得卧寐命不止

少陰之病利不止

厥逆無脉乾嘔煩

先服湯藥試死生

脉暴出死微細存

彼風不仁痿躄脉

緊急疾死虛數生

中風口喎浮遲吉

急實大數命不停

癰疾脉沈細小死

緊弦實牢治有功

脉搏大滑久自己

沈小急疾牢堅凶

診癰病虛則可愈

若其實則難醫治

狂病身熱洪大生

沈細逆冷一日死

風痰頭痛短瀋死

浮大滑實則可差

頭痛目痛脉沈細

久視無所見者斃

閉目而不欲見人

浮短而瀋定歸冥

閉目而渴心下牢

沈瀋而微遂變形

心腹疔痛不得息

脉沈細小遲者生

堅大鞞疾則難救

浮大弦長亦難平

脹滿便血脉小疾

或大時絕極瀋斃

大腹大脹四逆冷

脉形長者真乃竭

心腹積聚勁強生

沈小虛弱必難除

脉弦而伏腹有癥

不可轉者命乃殂

腸澼膿血滑大生

懸滯者死期以藏

身寒則生熱則死

腸癰陰陽虛必喪

脉沈小流連者生

數疾洪大有熱亡

腸澼下白沫濃者

脉沈則生浮則殃

腸澼筋孿細小生

浮大急堅歸泉途

刺後脉絕手足冷

脉還溫生否者殂

傷寒下痢三部絕

尺中時一小見脉

再舉頭者為腎氣

見損脉未至者穀

洞泄不留下膿血

微小連生緊急死

洩注脉緩小結生

浮大數者難療治

洩而脹微細澁吉

弦緊大滑即死厄

注下脉細為可治

浮大者病即增劇

欬嗽之脉沈堅死

浮直浮軟大並宜

小沈伏匿者為惡。欬嗽羸瘦堅大危。
欬嗽脫形熱不去。脉小堅急不可愈。
欬而嘔腹脹且洩。弦急欲絕歸泉路。
暴嗽脉散不可治。發熱卒弦是當吐。
久欬數歲脉弱佳。實大數者命不駐。
欬而上氣不得卧。脉數散死形損故。
喘息低昂滑浮生。遊駛肢寒者當死。
上氣面浮腫肩息。浮大不治加利甚。

上氣注液脉虛寧。伏匿者生宋疆殞。
寒氣暴上攻滿實。實澁則死實滑安。
其形盡滿急堅大。尺滿不應如是般。
順則生兮逆則死。順者肢溫逆者寒。
飢逆之脉浮緩宜。弦急按不鼓難治。
脉結或促或微者。皆為可治代者危。
右關之脉見弦者。木乘土位尤難醫。
失血脉宜虛沈細。浮大罕數實難止。

口鼻出血實大凶 滑小弱濡則可差
唾血脉緊彊不治 汗出若衄大躁死
瘀血在內腹脹時 牢大者生沈弦斃
從高頓仆內在血 堅彊實生小弱滅
斫刺出血不斷者 脉大而止期七日
金瘡陰處血不絕 陰脉不能至陽卒
傷在陽處急疾凶 微緩而遲者即活
瘡癰病久宜實大 懸小堅急不可治

消渴脉數大者生 細小浮短不可已
消渴脉沈小者佳 實堅大數甚者死
淋閉盛大而實生 虛細而澁者不差
水脹脉宜浮大軟 沈細虛小必難醫
水病腹大如鼓者 脉實者生虛者危
霍亂吐下脉微遲 氣少不語危可知
浮洪微滑必救得 微弱瀯數難醫治
中惡吐血沈數死 浮大疾快得延生

中惡腹大四肢滿 大而緩者身復平
緊大而浮是惡候 緊細而微者亦生
患蟲毒人尺寸脉 緊數而直硬者沒
為百藥毒所中傷 浮澁而疾可得活
微細但出不齊凶 洪大而速者即吉
痔漏沈小實者佳 浮洪而軟弱難愈
癰疽脉洪麤難療 脉微澁者即易治
匿蝕陰疰虛小生 脉勁緊急不可已

診暴病細微無害 急大洪直身必敗
咳而尿血大者危 寒熱瘰癧代絕死
人病甚脉洪易愈 病甚脉不調難差
外實內熱吐瀉利 脉好沈細忌洪大
內實脹痛乾嘔熱 宜洪大實禁沈細
勞熱沈細無火死 勞極脉數骨肉失
聲散嘔血陽不禁 晝涼夜熱無藥術
心腎勞脉細促大 骨枯不治微弱生

脉大數甚不食死 肝勞大結不傳寧

脾勞弦大甚不治 四肢煎厥謂內極

注病脉浮大可治 細而數者近鬼錄

陰陽俱竭其上齒 如熟小豆脉躁死

短熱肢寒脉實滿 春秋者生冬夏斃

陽羸陰彊脉微言 焱大加息三魂孤

陰弱陽彊脉至代 奇日而死又無蘇

血實氣虛尺堅潛 腹痛逆滿氣上行

胞中絕傷惡血痕 冬時黍稷赤而殃

血氣俱虛尺微細 來有力穀氣不充

此病得節而輒動 棗葉生死病秋逢

左寸偏動乍不齊 三部處處搖各異

其人病仲夏得之 此脉桃葉落時死

右寸偏沈伏小大 朝來浮大過魚際

暮夜沈伏不至關 榆莢枯落魂隨逝

右尺三十動一止 頃還二十動一止

乍動乍踈連相因

不與息數相應至

人雖食穀猶不食

此人驚草生而死

左尺四十動一止

復來逆如循直木

如循張弦絀絀然

兩人共似引一索

其人立冬命終時

或至立春亦死節

婦人帶下其脉浮

惡寒漏下難得治

赤白帶下遲滑吉

脉數疾者身必危

漏血日下數升程

急疾者死遲者生

脉小虛滑又得活

大緊實數無痊平

崩漏脉大甚者逆

數疾微小是為順

病瘕積聚弦急生

虛弱小者身終殞

懷娠八月沈細死

實大牢強弦緊生

產前之脉細小凶

產後洪數亦死形

難產其胎死腹中

脉澁而短母亦敗

已產後浮虛者凶

沈小實者為無害

新產沈小緩滑吉

實大緊弦急為惡

產後熱病懸小宜 肢溫者順寒清逆
因風寒熱喘肩息 實大緩生小急亡
寸口焮疾不調死 沈微附骨不絕良

小兒傷寒其脉來 一投而止病一日

假六投止是六日 細微難治洪者吉

小兒黃疸脉沈細 而腹滿者為難差

痢疾腹痛浮大凶 殮洩脉小肢寒死

小兒三脉五脉說

小兒半睫若有病 看額前眉上髮際

名中食指輕手按 食指為上中名次

三指俱熱風寒熱 三指俱冷寒瀉吐

食中指熱是上熱 名中指熱夾驚氣

食指熱胸膈不和 名指熱不消乳食

半睫已上看虎口 周睫以上兼三部

面看氣色為一部 虎口脉紋為之二

一指滾轉取三部 太衝并前則為五

小兒脉總歌

嬰兒有疾未能言
筋骨肌膚尚少堅
脉理未全難考據
當觀形色定由緣
面帶青色肝之疾
赤色心病因可必
白為肺病黃屬脾
黑色屬腎斯為得
黑死還輕死可生
紅深時氣有積停
赤青已受脾風了
青黑應傳入慢驚
發熱必冷是瘡癰
耳冷應知風熱證

通身皆熱是傷寒
上熱下冷傷食病
更將虎口紋氣看
或紅或紫傷風寒
青驚白疳黑中惡
黃因脾端皆可觀
紋直是驚曲傷損
沈隱為風因可識
曲外為冷內食傷
紋得短少當安逸
五臟部位怕相承
更看稟受有虧盈
陰陽表裏不可亂
補過瀉多須辨名
五百七十有六日
大小變蒸數已畢

血榮氣盛脉理全

診後方能無所失

男左女右不相干

須更一指蓋三關

浮風洪熱驚須數

遲冷沈虛實積然

脉浮因知感風候

浮大傷寒宜審究

浮緊驚風不可當

浮數風熱應須有

浮遲之脉有潮熱

乃是胃寒無所守

浮虛盜汗睡中多

浮洪胃口如火灸

瀉痢浮大不可醫

口噤不食亦堪非

脉洪腹痛多嘔逆

定知蠱動不容違

脉弦為風或為寒

弦數之脉瘧未痊

弦急因知為客忤

氣或不和邪所干

脉沈帶緊為腹痛

緊數為驚多瘰癧

緊促之時疹痘生

牢緊癧聚何能動

脉浮沈濡為虛弱

久亦變經上還作

虛緊伏熱致生風

虛濡慢驚直可遷

脉沈而實為疔積

沈數骨間須極熱

沈遲虛冷，豈應無。沈緩食傷多，嘔逆
脈緩筋細，皆為冷。乳食不化兩相宜，
單細疳勞伏氣攻。大小不均惡候省，
變蒸寸脈多不拘。既曰變蒸何心驚，
脈如雀啄風癩候。直上直下亦驚名。

又

二三歲時看虎口，更加中指按高骨，
浮即風生數即驚，緊是癩癩風作熱。

沈細脈痛緩沈虛，瀉痢皆由此脈初。
微遲有積無蟲盛，遲瀋元來胃脘迂。
四歲脈不在指端，一指高骨按虛實。
五六袞轉尋三部，平正關土為準則。
七八稍移指少許，九十次第分位取。
十一十二也同看，十四十五三指數。
小兒有病脈不多，先定浮沈遲數。
沈遲為食浮為勞，更看面部屬何妨。

青色驚風白虛瀉

赤生痰熱黑難當

黃是脾家疳有積

醫士審度用良方

小兒五歲一指診

十歲方將兩指看

十四五方三指定

更量長短旋推端

十六人迎應候外

右手氣口以候內

外候風痰暑濕并

內則乳食痰積害

其餘一一依前法

更不于此重引載

孩兒五歲至七歲

五歲脉中方見指

兩畔內中子細看

男左女右專心記

左主脾肺心腎肝

右主熱生驚疳氣

女孩及此背看之

要察病源全在智

若脉來時洪大急

此是傷寒須莫執

洪大却慢是傷脾

遲細脾虛因取積

脉小急來腎氣虛

積在小腸憑藥力

診脉若來一兩動

此名心死療難瘥

及人面指急如弓

脾疾死候君莫怪

訣脉逆順

傷寒脉大最相宜

腫滿浮洪病可醫

微細心疼終是順

沈遲吐瀉必須危

蟲攻緊滑皆知吉

渴飲沈微勢已衰

驚搐浮洪多易治

喘蟲涎盛滑為奇

脾胃有脉

尺中弱甚似無根

脾胃于全脉上存

大腑色黃猶進食

斯人終不到泉門

天正二年九月日

順六